
Saksnr: 2021/46394-1
Saksbehandlar: Inge Døskeland

Saksgang

| Utval | Utv.saksnr. | Møtedato |
|-----------------------|-------------|------------|
| Hovudutval for næring | | 26.10.2021 |
| Fylkesutvalet | | 09.11.2021 |
| Fylkestinget | | 15.12.2021 |

Etablering av "Havbyen Bergen" som eit treårig prosjekt

Forslag til innstilling

1. Fylkestinget vedtek eit treårig partnerskap med Bergen kommune om Havbyen Bergen som vist i saksframlegget
2. Vestland fylkeskommune og Bergen kommune skal ha ein representant kvar i styret av Havbyen Bergen. Styret skal leiast av fylkesordførar. Næringsbyråd i Bergen kommune skal vera nestleiar.
3. Fylkesdirektør vert gitt fullmakt til å bidra til å slutføre prosess fram mot at samarbeidsavtalen om Havbyen Bergen vert vedtatt av dei respektive partane. Dette inkluderer fullmakt til å gjera mindre endringar og revisjonar av avtalen.
4. Fylkeskommunal finansiering vert handsama i samband med budsjett 2022/økonomiplan 2022 - 2025. Fylkestinget løyver kr. 1 000 000,- i budsjett 2022 og vil løyve kr 1.000.000.- årleg i 2023 og 2024 for finansiering av drift og administrasjon av prosjektet.
5. Vestland fylkeskommune si finansiering føreset at andre partnarar bidreg finansielt i samsvar med sluttrapport frå forprosjekt.
6. Rapport for prosjektet vert lagt fram for fylkestinget årleg. Prosjektdeltaking vert evaluert haust 2022 med omsyn til om ein lukkast med å hente inn eksterne økonomiske bidrag og/eller eigeninnsats frå næringsliv og organisasjonar.

Samandrag

Vestland fylkeskommune har samarbeida med Bergen kommune, samt andre private og offentlege aktørar knytt til havrelaterte aktivitetar på Vestlandet. Målet er å iverksette prosjektet Havbyen Bergen for å auke samhandling og profilering av byen og regionen. Fylkeskommunen bidrar med kr. 1 000 000 årleg i tre år for å drifte prosjektet. Det skal også opprettast eit styre der fylkeskommunen og kommunen skal ha ein representant kvar. Styret skal leiast av fylkesordførar, næringsbyråd i Bergen kommune skal vera nestleiar.

Rune Haugsdal
fylkesdirektør

Bård Sandal
avdelingsdirektør

Saksframlegget er godkjent elektronisk og har difor inga handskriven underskrift

Vedlegg

- 1 Havbyen Bergen, utdjupande informasjon
- 2 Referat Rundebordskonferanse
- 3 Presentasjon Rundebordskonferanse

Saksutgreiing

Bakgrunn for saka

Fylkestinget gjorde i juni 2021 sak 37/21 følgende vedtak:

1. *Fylkestinget tek rapporten «Havbyen Bergen - sluttrapport fra arbeidsgruppa» til orientering.*
2. *Fylkestinget støtter at Vestland fylkeskommune, saman med Bergen kommune, tek initiativ til at det blir etablert eit prosjekt som får ansvar for å utvikle «Havbyen Bergen». For 2021 vert det sett av 350.000 kr. Finansiering vert sett i samanheng med sak om overskotsdisponering, rekneskap 2020.*
3. *Fylkestinget ber administrasjonen komme tilbake til fylkestinget med ei sak som konkretiserer samarbeidet med Bergen kommune og prosjektet Havbyen Bergen, samt vidare finansiering frå 2022. Saka skal også omhandle korleis denne satsinga skal styrke og auke samhandlinga i heile regionen.*

I vedtaket over pkt. 1 støtta fylkestinget at Vestland fylkeskommune, saman med Bergen kommune, bidrar til at det blir etablert eit treårig prosjekt som får ansvar for å utvikle Havbyen Bergen.

Denne saka er oppfølging av vedtaket sitt pkt. 3.

Byrådet i Bergen har vore i førarsetet og samarbeida med Vestland fylkeskommune, samt andre private og offentlege aktørar frå bedrifter, næringsklynger, forvaltning, forskning og utdanningsmiljø for å konkretisera prosjektet. Denne saka er basert på felles saksgrunnlag med Bergen kommune.

Prosjekt Havbyen Bergen

Føremålet med prosjektet er å fremme auka samhandling, attraktivitet, berekraftig vekst og kompetanse i havnæringane med Bergen som sentral drivkraft. Det overordna målet er å lede an for eit berekraftig hav. Prosjektet blir oppretta ut frå ynskje både frå private og offentlege aktørar knytt til «hav» i Bergensregionen om utvida samarbeid på dette nivå for å sikre Bergen sin posisjon som «havby».

For å legge til rette for at prosjektet skal lukkast i å oppfylle formålet sitt, vert det i første omgang tilsett to personar i prosjektstillingar som kan drive eit havkontor og samarbeidsprosessane.

Organisering

Havbyen Bergen sitt øvste organ er årsmøtet som blir leia av byrådsleiar i Bergen kommune. Det skal også opprettast eit styre der fylkeskommunen og kommunen skal ha ein representant kvar. Styret skal leiast av fylkesordførar, næringsbyråd skal vera nestleiar. Vidare er det lagt opp til etablering av valkomité, samt eit havkontor som står for den daglege drifta. I tillegg vil det bli oppretta fire arbeidsgrupper som arbeider med kvart sitt fokusområde: samhandling, attraktivitet, berekraftig vekst og kompetanse.

Arbeidsgruppene og havkontoret er dei operative delane av prosjektet og heilt sentrale for at prosjektet skal få god framdrift og lukkast.

Det siste året har rundebordskonferansen i regi av byrådsleiar i Bergen kommune vore ein viktig møtestad for sentrale aktørar innanfor havnæringar i Bergensregionen. Rundebordskonferansen vert vidareført som eit eiga samarbeidsorgan utanfor prosjektet. Byrådsleiar kan kalle inn til rundebordskonferansar for å diskuterte eksempelvis havrelaterte problemstillingar opptil fleire gonger i året. Det er også mogleg å arrangere møter og liknande for alle aktørane innanfor rammene til prosjektet.

Økonomiske konsekvensar

For å drive Havbyen Bergen bidrar Vestland fylkeskommune ved å støtte prosjektet med 1 000 000 kroner årleg i 2022, 2023 og 2024. Dette vert innarbeida i fylkeskommunen sitt forslag til økonomiplan som skal vedtakast i fylkestinget i desember 2021. Bergen kommune vil bidra med tilsvarende sum i den same tidsperioden. Dette er innarbeida i byrådet sitt forslag til budsjett for 2022 og handlings- og økonomiplan for 2022-2025 som skal bli behandla i bystyret i desember 2021.

Eitt av prosjektet sine første oppgåver vert å finne ein finansieringsmodell som også hentar inn økonomiske bidrag og/eller eigeninnsats frå andre offentlege aktørar og dei private aktørane i samarbeidet. Fylkestinget vedtok i første sak i juni 2021 at det vert sett av 350.000 kr til arbeidet

med å detaljere oppgåver og etablere endeleg finansieringsmodell for Havbyen Bergen. Desse midlane kan nyttast i første fase av prosjektet til å kartlegge ynskje og vilje frå næringslivet til å bidra økonomisk og med eigeninnsats i form av tidsbruk. Det kan også vera aktuelt å utgreie korleis fleire kommunar kan koplast på prosjektet.

I tillegg blir det arbeida med å hente inn midlar gjennom ulike verkemiddelordningar, eksempelvis skjønsmidlar frå Statsforvaltaren. Vidare bidrar UiB med kr. 500.000.

Prosjektet skal evaluerast etter tre år. Fylkesrådmannen vil komme tilbake til fylkestinget med anbefaling om prosjektet bør vidareførast eller ikkje basert på desse evalueringane. Dersom prosjektet vert vidareført vil dei økonomiske forpliktingane bli avklart i løpet av 2024. Vestland fylkeskommune og Bergen kommune kan avslutte samarbeidet undervegs i samarbeidsperioden, men dei tilhøyrande økonomiske forpliktingane vil gjelde ut det påfølgande året. Dersom partane ikkje lukkast med å få økonomiske bidrag og/eller eigensats til prosjektet frå andre offentlege og private aktørar, skal samarbeidet og prosjektets framtid evaluerast i løpet av hausten 2022.

Utvida informasjon om organisering, innhald og mål er lagt i vedlegg 1.

Vedtakskompetanse

Reglement for folkevalde organ og delegering. Fylkestinget har ansvar for å fastsetje overordna mål og langsiktige retningslinjer for utviklinga i fylket. Organet har og ansvaret for den fylkeskommunale tenesteproduksjonen.

Vurderingar og verknader

Økonomi:

Fylkeskommunal finansiering vert handsama i samband med budsjett 2022/økonomiplan 2022 - 2025. Fylkestinget løyver kr. 1 000 000,- i budsjett 2022 og vil løyve kr 1.000.000.- årleg i 2023 og 2024 for finansiering av drift og administrasjon av prosjektet.

Klima:

Prosjektet har hovudmålsetting basert på auka berekraft og omstilling mot «grønt skifte»

Folkehelse:

Saka har ikkje særleg relevans for folkehelse.

Utviklingsplan for Vestland 2020-2024 (Regional planstrategi):

Alle berekraftsmål er relevante for prosjektet, men dei følgjande seks er spesielt relevante:

- Mål 2: Utrydde svolt
- Mål 7: Rein energi til alle
- Mål 9: Industri, innovasjon og infrastruktur
- Mål 13: Stoppe klimaendringane
- Mål 14: Livet i havet
- Mål 17: Samarbeid for å nå måla

Prosjektet står opp under utviklingsplan i Vestland med omsyn til styrka regionalt samarbeid

Konklusjon

Fylkeskommunen bidrar med kr. 1 000 000 årleg i tre år for å etablere og drifte prosjektet Havbyen Bergen. Målet er å auke samhandling og profilering av byen og regionen innan det marine og maritime området. Det skal opprettast eit styre der fylkeskommunen og kommunen skal ha ein representant kvar. Styret skal leiast av fylkesordførar, næringsbyråd i Bergen kommune skal vera nestleiar.